

Davidi akuki Mefibosheta ngandji lu dikambu dia Jonatana. Unyashungu, uma lu ngandji kandi, ndi ntulangaka uma lu dikambu dia Khumadiondjo Jesu Kristu. “Naka shu tambushula kolo yasu, ndi eko la kolamelu la ololo wa ntudimanyia kolo yasu la ntedia uma lu kolo tshe.” (1 Joani 1:9). “Aha dia etsha w'ololo wakatatshi shame, keli ne dia ketshi kandi mbakandatushimbela.” (Tito 3:5)

Unyashungu mbetaka antu tshe wetawo Khumadiondjo Jesu uku Ushumbedi awo ati : “Ana ami”

“Nyendi wuhu wa ngandji kakatuki Shesu dia shu mbetama ana wa Unyashungu; osoku mbesu. Dia dikambu ne mbahateyi wa la kete, ne dia vo kumbêya.” (1 Joani 3:1). Untu tshe letawo Khumadiondjo Jesu uku Ushimbedi ndu Uwandji nkukaka mbita ati : “Osoku mbesu !”

Leta la Khumadiondjo Jesu

“Enda, dimi lambemala la suku, lambokokola. Lam'ayuka untu diui diami, lam'ayundudihula lukuki, dimi layoto le ndi, layole la ndi, ndu ndi ayole la mi.” (Enyelo 3:20)

“Ngandji ka mamba ka Khumesu Jesu Kristu kayali la nyu !”
(1 Tesalonika 5:28)

© C.E.R.S. - B.P. 1673 Kananga
République Démocratique Du Congo
Email: 33eme.cers.lit@gmail.com
<http://www.33eme-cers.org/>

Mefiboshete



Khum'ekanga Davidi ambuka Mefiboshete ngandji *(Usatu wa ngandji ka Unyashungu)*

Ne dia nyoi ka shi la tshi Mefibosheta

“Jonatana, on'a Saulu, aki la ona pami omotshi lakayala ekhusi lam'akindi la deku tanu. Ne dia lam'akakumi lukumu la nyoi ka Saulu la Jonatana uma le Jezerele, ondedi andi akawôse, akalawo la ndi. Ku lam'akandakhunguso la luwangu, ona ako akako, akayala ekhusi. Lukumbu landi laki Mefiboshete.” (2 Samuele 4:4). Lukumu la Saulu la Jonatana le Jezerele laki la nyoi kawo uma l'anya wa asi Filistiya, antunyi wa asi Isariyele

Davidi ambulanga menya ngandji ka Unyashungu le wane wutshikadi lu khumbu ka Saulu

Saulu akayangi dia ndjaka Davidi, keli Jonatana aki ongenyi andi, ndi akiwulaka Davidi lu tina la tina dia mbuhandja uma lu nyoi. L'okongo wa shi motshi, asi Isariyele wakalombe dia Davidi munga khum'ekanga kawo. Lam'akandashikikala lu luwandji landi, ndi akakani yimba dia wa lu khumbu ka Saulu, ndu lu dikambu dia Jonatana.

“Davidi akambula ati : Untu omotshi ekiko lu khumbu ka saulu, dia dimi mbutshela ololo dia Jonatana? Ukambi omotshi akiko lu luudu la Saulu, lukumbu landi Ziba. Vo wakaweti dia ntsho le Davidi. Khum'ekanga akawumbula ati : We keli Ziba ? Ku ndi akûkaluya diui ati : Dimi keli ukambi aye. Khum'ekanga akawumbula ntu ati : Nduku untu ukina ntu lu khumbu ka Saulu, dia dimi mbenya ngandji ka mamba ka Unyashungu ? Ku Ziba akûkaluya diui : Ona pami omotshi a Jonatana eko, ndi eko ekhusi. Khum'ekanga akawumbula ati : lend'endi ? Ziba akûkaluya diui ati : La Lo-Debare kendi, laka Makira, on'a Amiyele. Khum'ekanga Davidi akatumi akendji la Lo-Debare dia ntuwosa laka Makira, on'a Amiyele. Ku Mefiboshete, on'a Jonatana, on'a Saulu, akayi le Davidi, akayakosha la kete,

akûkhusamela. Davidi akaweti ati : Mefiboshete ! Ku ndi aketawo ati : Enda ukambi aye one. Davidi akawutela ati : Tukaki woma, dimi layukutshela ololo lu dikambu dia sho Jonatana. Dimi layukukaluya kete tshe yaki tsheye Saulu. We ayolekaka ma lu mesa ami nshi tshe. Ku Mefiboshete akûkhusamela ; akûkaluya diui ati : Enda, ukambi aye eli na, dia menda udu a fo uku dimi ?” (2 Samuele 9:1-8)

Davidi ambuka dia Mefiboshete

Ukambi omotshi, ukambi lu luudu la Saulu, akatela Khum'ekanga Davidi dikambu dia Mefiboshete, on'a Jonatana, laki lu Lo-deba. Lo-deba aki etali uma le Davidi la ngelu kandi ka Jerusalema. Lukumbu lone la “Lo-deba, leko lu ntenya dia dihuli dia usui waha l'adiyu, - takiwo l'adiyu wa ndesha dungalunga, Mefiboshete aki lu dawu, ndu aki usi ketshi.

Shu tshe taki uku Mefiboshete, etali la Unyashungu

“Nduku untu leli ololo, kuyanga otoi, vo tshe wambunganela, vo tshe wambutsho lu kolo.” (Romo 3:10,12). Keli lukumu l'ololo leko dia Jesu eli Ushimbedi wa untu tshe lawetawo. Lam'akisus etali la Unyashungu, Unyashungu lu ngandji kandi ka mamba, akalongosola mbuka dia antu wayi le ndi la kolamelu. Khumadiondjo Jesu akayi “dia nkimo lumu landi, dia ntshungula antu efula.” (Mako 10:45). “Kakiane nduku dianyelu dieko le wane weli le Kristu Jesu.” (Romo 8:1)

Mefiboshete akayakitshakitsha la ntundu ka Davidi. “Okone efundelu kambuta ati : Unyashungu atutunaka kanga utaku, keli atushaka one layakitshakitsha ngandji ka mamba.” (Jakoba 4:6)

Khum'ekanga Davidi ambutela Mefiboshete aui wa ngandji

Davidi akatela Mefiboshete ati : “Tukaki woma, dimi layukutshela ololo lu dikambu dia sho, Jonatana.” Davidi akati ntu dia Mefiboshete ati : “ndi ayolekaka ma lu mesa ami uku ona apami a khum'ekanga omotshi.” (2 Samuele 9:7:11)